



Close to Home

Te hoko i tētahi kāinga hōu mā te Nama Kāinga Tuatahi me te KiwiSaver



Naing Naing me tōna whānau i waho i tō rātou kāinga.

He mihi nui ki tētahi whānau o ngā kainoho o mua i tā rātou hoko kāinga tuatahi, ko tētahi kāinga hōu, e toru ngā rūma moe, ki Porirua, mā te whakamahi i tō rātou KiwiSaver me te Nama Kāinga Tuatahi.

Kua 10 tau a Naing Naing rātou ko tōna hoa rangatira a Khin me tā rāua tamāhine e noho ana hei kainoho i Te Whanganui-a-Tara, i muri i te hūnuku mai i Myanmar.

“Ko te hiahia kia whāia tō mātou mahi e ētahi atu,” hei tā Naing Naing.

“I waimarie mātou i te tautoko a tōku rangatira mahi, me tō mātou

kaitakawaenga kainoho. He hiahia nō rāua tahi kia eke panuku mātou.”

Mā te Nama Kāinga Tuatahi e panoni ai te rahinga pūtea e hiahiatia ana hei moni kuhu ki tō kāinga tuatahi. I te nuinga o te wā, he 20 ōrau e hiahiatia ana hei moni kuhu, engari mō ngā Nama Kāinga Tuatahi, he 5 ōrau noa. Ka tukuna ngā nama e ētahi whare pūtea, kaituku pūtea rānei, ā, ka whakaoatitia e Kāinga Ora.

Ina hiahia ana koe kia kite mēnā rānei e āhei ana koe ki tētahi Nama Kāinga Tuatahi, tētahi atu āwhina ā-pūtea rānei e whakaratoa ana e Kāinga Ora hei hoko i tō whare tuatahi, toro atu ki kaingaora.govt.nz

Ngā mihi o Hine Raumati

Nāia mātou o Kāinga Ora e tuku ana i ngā mihi o Hine Raumati ki a koutou katoa.

E hikaka ana mātou ki a 2021, me te whaiwāhitanga kia tautokona a Ngāi Aotearoa ki te whai kāinga.

Koia nei te take kua tatū mai nei mātou. Mōhio mārika ana mātou ehara noa tēnei i te whare, he kāinga, he wāhi āhuru, maroke, haumaruru hoki hei nōhanga mā te tangata, ā, he wā anō hei whakarauoratanga hoki.

E ū ana mātou o Kāinga Ora kia noho hei kaitiaki rawe, me te rapu rautaki pai hei tuku i te ratonga pai rawa, ā, ki te tautoko hoki i ngā tāngata nā mātou i whakanoho ki tētahi whare.

Ko te manako ka pai te wā o Hine Raumati ki a koutou katoa, me te ngahau tahi ki ō hoa me te whānau. Kia haumaruru te toro haere i runga i ngā huarahi.

Ngā mihi,

Andrew McKenzie
Tumu Whakarae

Ngā hokohoko Kirihimete

He paku āwhina mō te penapena pūtea

Hokona te tukurua

He nui te utu o ngā taonga nunui pēnei i ngā pahikara me ngā kutarere. Haere pea ki ngā hokohoko ā-wharau, tirohia rānei a Tauhoko mō ngā painga tukurua. Engari kia mataara ki te haumarutanga o tāu i hoko ai – tirohia mēnā kua waikura, hihiratia hoki ngā pereki, me te painga o ngā wīra. Ina hanga kore haumaruru te āhua, kua e hokona mai. Kua hoki e wareware, he mea whakature te mau pōtae mārō ina eke pahikara. Ko te painga ake kia hōu ēnei.

Kia atamai te hoko

Ina hiahia ana ngā tamariki i ētahi taputapu mō te kura – pēnei i ngā mōwhiti kauhoe, tētahi pīkau hōu rānei – takohatia hei perehana Kirihimete. Mā tēnā e kore ai koe e mate ki te rapu pūtea hei te timatanga o te kaupeka kura.

Ina he tokomaha āu tamariki, ā, kua uatoko rawa te tahua, takohatia atu he perehana rawe mā te whānau katoa, pēnei i ngā taputapu kirikiti, tētahi kēmu ā-papa, haria rānei te whānau ki te whare kararehe. Mā tēnā e ngahau ai te katoa o te whānau.

Horahia te utunga

Ina whai ana koe i tētahi mahere tahua, hokona ngā mea whai tikanga hei ngā wiki e heke mai nei e kore ai e rahi rawa te pire ki a koe hei te taenga mai o te Kirihimete.

Mā te hora i ngā utunga e ngāwari ake ai te whakamahere tahua. Whakatau i tērā e oti i a koe te utu.

Raupapatia tō mahere tahua e whaiwāhi ai ngā koha, ngā whakarākeinga, te kai, te inu, me ngā mahi ngahau.

Kia āta mōhio ki āu utunga hei ngā wiki me ngā marama e ahu atu ana ki te Kirihimete – me whai i tō mahere tahua kia māharahara kore tō Kirihimete.

He whakaaro pai hoki te hono atu ki te karapu Kirihimete o tō hokomaha pātata. Whakaarohia tēnei hei pūkete pūtea e oti i a koe te hora i te utunga Kirihimete ki te tau katoa. Ina penapena wawe koe ki tō karapu Kirihimete, ka nui ake ō whiwhinga pai.

Kāhore he utunga ā-raraunga ki te toro ki ngā ratonga tuihono o My Kāinga Ora

E oti i ō mātou kiritaki kei ngā tukutuku o Spark, Skinny, Vodafone, 2 Degrees rānei te whakamahi i tō mātou ratonga tuihono, My Kāinga Ora, me te kore whakapau raraunga ā-ipurangi.

Ina noho ana koe ki tētahi o au tukutuku, ā, e hiahia ana ki te whakamahi i a My Kāinga Ora, me mātua hihira i te whakakānga o tō raraunga kawae, i mua i tō hono ki te ratonga tuihono – kāore he aha mēnā he mahere utu ā-mua, utu ā-marama rānei.

Mā My Kāinga Ora e āhei ai te kiritaki ki te hihira i ōna pūkete, ngā pūtea rēti, ngā tono tapitapi, me te aha atu ā-tuihono – pēnei i a MyMSD me MyIR.

E taea ana mā te waea pūkoro, te pūrere papa, te rorohiko pōnaho rānei.



My Kāinga Ora



Ō mātou hāora tuwhera hei ngā wā hararei

Waea ki 0800 801 601

enquiries1@kaingaora.govt.nz

Ka wātea tō mātou Pokapū Tautoko Kiritaki mō ngā pakirehua nonoi hei ngā rā e whai ake nei:



Hāunga i tērā, ka ōrite tā mātou ratonga:

- Ko ngā waea nonoi-kore i waenga i te 8am me te 6pm i ngā rā-wiki anake.
- Ko ngā waea nonoi i ngā hāora 24, i ngā rā e 7 o te wiki.
- Ka tuwhera ētahi tari pātata hei toronga hei waenga i te 10am me te 2pm, ina he hui whakarite rānei tāu, hei ngā rā-wiki anake. Waea atu ki tō mātou Pokapū Tautoko Kiritaki kia mōhio mēnā rāne ka tuwhera tō tari pātata hei ēnei wā.

I mōhio rānei koe, 1 i ia 4 o ngā ahi ka tīmata i te kīhini?

Ngā mea ngāwari e oti i a koe hei aukati i te hikanga ahi ki tō kīhini:



Kia mā, kia haumaruru hoki tētahi kīhini

- Whakamāngia tāu tō i muri o ia whakamāhinga - e ārai ana tēnei i te mātotorutanga o te hinu maringi, me ngā kai kua pāhunu.
- Kia rite tonu te whakamā i ngā tātari kōwhiuwhiu.



I a koe e tunu ana

- Kaua e inu me te parai.
- Kaua e puta i te rūma ina tunu ana – ina puta koe, whakangāwaritia iho te wera o ngā papa tō.
- Kia maumahara me tawhiti atu ngā ārai, ngā tī-tāora, ngā karapu umu, me ngā taonga muramura hoki i te wāhi tunu i a koe e tunu ana.



Ina kā tētahi ahi

- Ki te mura tō parai, ā, e oti i a koe te mahi haumaruru nei, whakamaua te taupoki ki te parai, kātahi ka whakawetoa te tō i te pakitara. Ina kāore te taupoki e tata ana, whakamahia tētahi tī-tāora mākū, tētahi mea rahi e papatahi ana (pēnei i te papa tapahi) ki te parai hei haukoti i te hāora o te ahi. Waiho ki konā kia mātao ai te parai.
- Kaua rawa e tahoro wai ki te parai e kā ana.
- Kaua rawa e kawē atu i tētahi parai e kā ana ki waho.
- Ina he ahi kei tō umu, tūtakina te umu, ā, ka ngana ki te whakaweto i te hiko, i te haurehu rānei, ki te tō, ki te papahiko matua rānei.

Waea atu ki 111 ka tonu mō te patu ahi



Kōnuitia mātou ki Pukamata

Toro atu ki Pukamata e pānui ai koe i ngā mahi a ō mātou kainoho, kaimahi, hapori hoki. Kei konei mātou www.facebook.com/kaingaoragovtnz